



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Beati P. Philippi Nerii Florentini. Congregationis Oratorii Fvndatoris

Gallonio, Antonio

Mogvntiæ, 1602

Avctor Lectori.

urn:nbn:de:hbz:466:1-43172

AVCTOR LECTORI.

ABSOLVIMVS tandem candide
Lector, vitam Beati Philippi Neri,
non nostris viribus, qui parum va-
lemus facultate scribendi, sed illius
ope, qui infantium linguas facit disertas. Digesti-
mus eā in annos, non idcirco solum ut quò minus
confusa essent singula, eò essent omnia clariora, sed
multo etiam magis, ut ex continuatione, ac serie
annorum, & continuata, perennisque Beati viri
sanctitas, & Congregationis progressus appare-
ret. Stylo vsi plerumque sumus pressò quidem, sed
non obscuro. Quæ in historiam retulimus, à iura-
tis, fidelibusq; testibus depròpsimus ducētis quin-
quaginta duobus, qui scilicet aut viderunt ipsi,
aut ab iis, qui viderant, cognouerunt. In singulas
ferme res testes dedimus, quos in pagina extreni-
tate adnotauimus; ubi etiam consimilia persape
iis, quæ de Philippo narrantur, Sanctorum ex-
empla citauimus. In testibus (ut ceteri sileantur)
S. R. E. Cardinales sex, qui cum Philippo vsum,
& consuetudinem habuerunt, nempe, Alexander
Medices, Augustinus Cusanus, Octavius Parauici-
nus, Federicus Borromeus, Franciscus Maria

Tau.

*Taurusius, Caesar Baronius. Testes auditi omnes
iuris ordine rite seruato, ab integro, atque incor-
rupto viro Iacobo Buti presbytero Gallesano Ci-
uitatis Castellanae (sic hodie dicitur) diocesis, Ba-
silica Lateranensis Canonico, publico Apostolica
auctoritate notario, in Romana curia Tabula-
rium relato, visitationis Apostolicae S. D. N. Cle-
mentis Papa Octauī notario, & Hieronymi Card.
Rusticucci Episcopi Sabinen. eiusdem S. D. N.
Pap. Vicarij Congregationum, ut vulgo appella-
mus, à secretis. Hæc erant, de quibus monitum
te volebam. Caterum si fortè meus labor legenti,
alicui fuerit vsui, à te repensum id mihi velim,
ut in tuis sis ad Deum precibus memor mei, si-
mulque Patri Optimo iam inter Calites re-
posito denegerem filium commen-
dare ne graueris.*



Nos